

TELE Greenland A/S
Ileqquusumik ataatsimeersuarneq
Marl. 11. maj 2010 nal. 14:00

Siulersuisuni siulitaasup nalunaarutaa

2009-imi ukiumut angusat

Siulersuisut sinnerlugit suliffeqarfissuup ukiumi naatsorsuusiorfiusumi 2009-mi akileraarutit suli peernagit 63,6 mio. kr.-inik iluanaaruteqarnera iluarisimaarlugu nalunaarutigissavara. 2009-imi akileraarutit peerlugit iluanaarutit 46,8 mio. kr.-iupput. Siulersuisut ataatsimeersuarnermi innersuusutigaat Namminersorlutik Oqartussat iluanaarutinit 30 mio. kr.-inik tunineqassasut.

Tele-p immikkoortortaata akileraarutit peernagit isertitai 57,8 mio. kr.-iupput. Taakkulu 2008-imut naleqqiullugit 30,9 mio. kr.-inik ikinnerupput, tassalu 35 %-imik apparialutik. Taama appariaateqarnerneq, annermik imaatigut kabelimik, kiisalu ingerlatsinermut aningaasartuutit erniallu qaffarsimanerannik patsiseqarpoq.

Kaaviiartitat 638,7 mio. kr.-iupput, taakkulu 2008-imut naleqqiullutik 5,4 %-imik qaffasinnerupput.

Mobiltelefoninik sullissineq attaveqaatitigit kaaviiartitsiviunerpaavoq, tassanimi kaaviiartitat 182,7 mio. kr.-iupput, taakkulu sullissinernit akinik kaaviiartitaat 35 %-eraat. Tamatumani 2008-imut naleqqiullugu qaffariaat 5 %-iuvoq, ilimagisamit appasinnerulluni, tamatumalu takutippaa atuisut amerliartorunnaarsimasut.

Illimagineqartutut IP-mik nioqqutinit kaaviiartitat amerlinerat aamma 2009-imi maluniussimavoq.

Interneti kiffartuussissutini kaaviiartitsiviusut annerpaat tulleraat 133,6 mio. kr.-imik kaaviiartitsiviusimalluni. Tassani kaaviiartitat 2009-imut naleqqiullugit 32 %-imik amerleriarsimapput. Qaffariaat ADSL-imik atuisut amerleriarsimanerininik, atuisullu ataasiakkaat atuinerulersimanerininik patsiseqarpoq. 2009-mi ADSL-Premium atulersinneqarpoq, tassanilu ADSL Gold-imut sanilliullugu MB-mut ataatsimut atuneq 43 %-imik akikillisaavigineqarpoq – taannalu atuisunut ataasiakkaanut, internetimik atuingaatsiartartunut naleqqussagaavoq.

Takusinnaavarput atuisorpassuit, atuinerminnik annertunerulersitsisimasut, aammalu taakkuusut nioqqutitsinnik akikillinerpaasatsinnik atuilersimasut – taamaalillutillu atorluaallutik. Tamanna aamma pissutaalluni atuneq annertusiartoraluartoq, TELE-mi kaaviiartitat amerlisimanngillat.

MPLS-imik kiffartuussineq, inuussutissarsiutinik ingerlataqartunut naatsorsuussaasoq 48,1 mio. kr.-inik kaaviiartitsiviusimavoq 16 %-imillu qaffariarsimalluni. Tassani atuisimaneq aallavigissagaanni, qaffariaat minneruvoq. Aamma tassani takuneqarsinnaavoq akinik annertuumik appaasimaneq atuisut atorluarsimagaat.

IP-mik nioqqutit akinit kaaviaartitat 35 %-eraat. IP-mik nioqqutit taakkuupput nuna tamakkerlugu attaveqatitigut piginnaanngorsaannermi aningaasaliiffiunerpaasimasut, taamaammallu pingaaruteqarpoq, taakkunani kaaviiartitanit isertitat attaveqaatitigut pisariaqartitanut aningaasartuutinik matussusiisinaanissaat.

Telefoninit nalinginnaasunit kaaviiartitat 2009-mi aamma appariarput. kaaviaartitat 102,6 mio. kr.-iupput 2008-imullu naleqqiullutik 4 %-imik appariarsimallutik.

Post-imik immikkoortortaqaarfik akileraarutit peernagit 7,9 mio. kr.-inik iluanaaruteqarpoq, taakkulu 2008-mut naleqqiullutik 0,5 mio. kr.-inik ikinnerupput.

Allakkat nassiunneqartartut aammaarlutik 2009-mi ikileqqippuit, kaaviiartitallu appar-nissaraluat akinik qaffaanikkut millisinneqarpoq. Kaaviiartitat 4 %-imik qaffarput, tassani poortukkat nassiunneqartartut annikitsumik amerleriarsimanerat pissutaalluni.

Frimærkinik nioqquteqarneq aningaasarsiornikkut ajornartorsiornermi eqqorneqarpoq 7%-imillu appariarluni, maannalu ukiunut kingullernut naleqqiullugu aatsaat taama appasitsigaluni.

POST-ip ingerlanneqarneranut aningaasartuutit, ukiumut kingullermut assigupput, tassani ingerlatsinermilu pisariillisaaneq 2 - 3 %-imik naleqartoq matussuseeqataalluni.

Ukiuni kingullerni POST-ip pilersaarumminik iluatsittumik atuutilersitsisarsimavoq, maannalu nutaamik sukumiisumik pilersaarusiornini aallartissimallugu. POST-ip isertitaqarnissaa qulakkeerniarlugu, teknikkikkullu ineriartornerup nassatarisaanik nassiussat ikiliartornerisa kinguneri sillimaffiginiarlugit, nutaaliarluni pisariillisaanissaq, eqaatsumillu malitassamik pilersaarusiornissaq siunertarineqarpoq.

Aningaasaqarnikkut ineriartornermi anguniakkat, atuisunillu isumasiuinermi inner-suussutit piviusunngortinneqassappata, TELE-mi POST-imilu sulisut apeqqutaalluin-nartuupput. Sulisunut aningaasartuutit uninngatinniarneqassapput, periarfissaqarfiu-sunilu ikilisinneqassallutik.

TELE-POST-ip sulisunut tunngatillugu iliuuserisartagai arlallit iluatsissimapput, ta-makkulu sulisut iluarisimaarinninnerisa qaffarsimaneridik, napparsimasarnerisalu ikili-simaneridik kinguneqarsimapput - taamaalillunilu sulisut piginnaasaat atorluarneqar-nerusinnaalersimallutik.

Teknologiip nutaap atuutilerneratigut sulisut piginnaasannut piumasaqaatit annertu-siartorput. Tamatumap nassatarisaanik immikkut ittumik ilinniartitaaneq aallunneqar-simavoq, sulisut inuttut piginnasamikkullu ineriartornissaat siunertaralugu.

Oqaatsit pillugit inatsimmi nutaami anguniakkat aallaavigalugit - 2009-imi sulisut sulif-fimmini inuiaqatigiinnilu peqataanerusinnaanissat siunertaralugu, oqaatsinik ilinniar-titsineq pimoorussa q aallartinneqarpoq.

2010-imut naatsorsuutigisat

TELE-p immikkoortortaqaarfianut atatillugu 2010-mi iluanaarissat 2009-mut naleqqiul-lugit ikinnerunissaat naatsorsuutigineqarpoq, tassami 2010 tassaasussaavoq imaati-gut kabelip ukioq iluitsoq atuuffigisassaa siulleq, taamaalillunilu ingerlatsinikkut anin-gaasartuutitigullu tamakkiiffiusussaq.

TELE-p nioqqutinik pitsaasunik akinillu unamillernartunik periarfissiinnissaminut suli-niuteqarnini ingerlatiinnassavaa, taamaalillutik nuna tamakkerlugu inuussutissarsiuti-nik ingerlataqartut, pisortat, atuisullu ataasiakkaat imaatigut kabelip atulerneratigut periarfissanik nutaanik atuilluarsinnaanissaat siunertaralugu.

TELE-p pilersaarutigaa atuisut pisariaqartitaat kissaataallu aallaavigalugit, atuinerup annertusiartornera ilutigalugu nioqqutimi imartunerulernissai, aammalu nioqqutit suk-kasuut imartunerusullu atuutilersinnissaat. TELE piffissami aggersumi atuisut kissaa-taat piviusunngortinniarlugit, nioqqutinillu nutaanik atuutilersitsinissaq isertitaqarnis-sarlu siunertaralugit, ataavartumik annertuunik aningaasaliissuteqartariaqarpoq.

Killiusassatut aallaviussapput aningaasatigut periarfissarititaasut, suliffeqarfiullu pisariaqartumik isumannaatsumik ingerlanissaa. Ukiuni aggersuni aningaasaliissutissat annertuut akissaqartinneqartariaqarput, aningaaserivimmullu attartukkanut akilersuutit ingerlanneqartariaqarlutik, ammattaaq akit allanngoriataarsinnaanerannut uningasuutitigut sillimanissaq pisariaqarpoq.

Naggasiullugu sulisorpassuit pikkorissut, aqutsisullu ukiumi qaangiuttumi sulilluarsimanerannik qutsavigaakka, aamma siulersuisut tamarmiusut TELE-mut POST-imullu atatillugu suliaasimasorpassuarnut suleqataasimanerannik qutsavigalugit

Kaj Egede

Siulersuisuni siulittaasoq